

Powšitkowne WOZJEWJENJA

njedźelu, 2. meje 2021

Wusyłanje Božemu mšow

Serbskorěčnej Božej mši móža wěriwi tutu njedźelu, 2. meje, znova jako livestream w interneteće scěhować. Dopoldnja w 9 hodź. přenjese so jedna z Chróšćanskeje cyrkwyje, dalša hižo we 8.30 hodź. z Kulowa. Linkaj na njej stej na internetowej stronje www.posol.de kaž tež na wosadnymaj stronomaj podate.

Mejski nyšpor TCM

Towarstwo Cyrila a Metoda z.t. (TCM) přeprašuje na mejski nyšpor, kotryž budže tutu njedźelu, 2. meje, w 17 hodź. w Róžeńčanskej swjatnicy. Zwuk přenjese so tež zwonka Božeho domu.

Rozšěrjenske testowanske časy Charity

Hornjołužiski zwjazk Charity testuje na serbskich wsach kaž tež w Kamjencu a Smochćicach ludźi dale na koronu. Časy a městna pak su so zdžela změnila. Mobilny team steji wotnětka stajnje pónđzelu wot 8 do 9.30 hodź. w Njebjelčicach před gmejnskim zarjadom při sportnišću, wot 10.15 do 11.30 hodź. w Róžeńće na dworje gmejnskeho zarjada, wot 12 do 13.15 hodź. we Worklecach na parkowanišću při hornim wjesnym haće a wot 14 do 15 hodź. w Chróšćicach na parkowanišću při „Jednoće“. W Pančicach-Kukowje budže team stajnje štwórtk wot 10.45 do 13.00 hodź. při gmejnskim zarjedze k dispoziciji stać. Na tutech městnach njesu přizjewjenja trěbne. Dalša stacija testowanja je w rumnosćach Charity w Kamjencu. Tuta je wotewrjena pónđzelu wot 14 do 17 hodź., wutoru wot 8 do 13 hodź. a štwórtk wot 9 do 12 hodź. W Smochčanskim kubłanišću swjateho Bena testuje Caritas pónđzelu, srjedu a pjatk stajnje wot 6 do 10 hodź., štwórtk wot 14 do 18 hodź. a sobotu wot 8 do 12 hodź. Tam kaž tež w Kamjencu su přizjewjenja k testowanju trěbne. Linkaj k tomu stej pod www.posol.de podatej.

Wohnjowi wobornicy do Róžanta

Džakna Boža mša wohnjowych wobornikow ze Zarjadniskeho zwjazka „Při Klósterskej wodže“ budže na předwječoru swjedženja swjateho Floriana, pjatk, 7. meje, w 19 hodź. w hnadownej cyrkwi w Róžeńće. Wšitcy wobornicy kaž tež hosćo su k tomu přeprašeni. Hygieniske škitne naprawy płaća kaž na wšěch druhich Božich službach.

Modlerski marathon k přewinjenju pandemije

Bamž Franciskus přeprašuje k nowemu modlerskemu marathonej k přewinjenju koronoweje pandemije. Swjaty wótc sam zahaji jón 1. a zakónči jón 31. meje. W samsnym času su wosebje putniske městna namołwjene, zo bychu so w nich wěriwi różowc w tutej intenciji modlili. Zdobom přenjese watikanske mediije wšednje różowc z jednoho tajkeho městna na swěće.

Zapokazanje do temy nabožneho tydženja

Wotrjad za dźěćacu a młodžinsku pastoralku Drježdžansko-Mišnjanskeho biskopstwa přeprašuje wšitkich hlowno- a čestnohamtskich pomocnikow nabožneho tydženja na onlinowej informaciskej zarjadowani. Na nim chcedža lětušu temu wobjednawać. Na wuběr stej dwaj terminaj: Prěnje zapokazanje do temy wotměje so štwórtk, 6. meje, dalše wutoru, 11. meje, stajnje wot 18.30 do 21.00 hodź. Na woběmaj dnjomaj móže so maksimalnje 70 wosobow wobdźělić. Tohodla je přizjewjenje na kóždy pad trěbne. Po nim dóstanu wobdźělnicy wotpowědny link na platformu Zoom, kotraž so za zarjadowanje wužiwa. Jeli so wjace wosobow přizjewi, chcedža krótkodobnje kónc meje abo spočatk junija dalše terminy poskićić. Link k přizjewjenju je pod www.posol.de podaty.

Mejski nyšpor dekanatneje młodžiny

Dekanatne dušepastyrstwo za młodžinu přeprašuje młodostnych na mejski nyšpor. Tutón wotměje so sobotu, 15. meje, w 19 hodź. w Róžeńće.

Klášterski wobchod dale wočinjeny

Wobchod w klóštrje Marijinej hwězdze je tež pod tuchwilnymi krutymi koronowymi postajenjemi dale k zwučenym časam wotewrjeny. Wón liči jako knižne wikowanišćo, poskićuje pak mjez druhim tež dewocionalije a dary k přenjemu swjateho woprawjenju.